

友古詞

目錄

水調歌頭 三詞 滿庭芳 五詞

蘇武慢 一詞 飛雪滿群山 二詞

水龍吟 一詞 暮山溪 四詞

念奴嬌 五詞 雨中花慢 一詞

喜遷鶯 一詞 憶瑤姬 一詞

酹奴兒慢 一詞 滿江紅 一詞

婆羅門引 一詞 青玉案 二詞

浣溪沙 十三詞 虞美人 七詞

生查子 五詞 南歌子 三詞

南鄉子 二詞 菩薩蠻 十一詞

憶秦娥 二詞 清平樂 三詞

謁金門 二詞 憶王孫 一詞

阮郎歸 一詞 柳梢青 三詞

好事近 二詞 卜算子 六詞

小重山 四詞

定風波 二詞

昭君怨 一詞

極相思 二詞

長相思 三詞

歸田樂 一詞

感皇恩 二詞

漁家傲 一詞

御街行 一詞

臨江仙 七詞

惜奴嬌 一詞

一剪梅 三詞

鎮西 一詞

訴衷情 一詞

如夢令 二詞

望江南 一詞

踏莎行 六詞

點絳脣 十一詞

醉落魄 四詞

玉樓春 二詞

西地錦 一詞

七娘子 一詞

減字木蘭花 五詞

西樓子 二詞

洛陽春 一詞

瑞鷓鴣 一詞

行香子 一詞

六么令 一詞

看花回 一詞

浪淘沙 一詞

愁倚欄 三詞

春光好 一詞

宋六十名家詞

友古詞目錄

二

風流子 一詞 朝中措 二詞

侍香金童 一詞 江城子 一詞

西江月 一詞 蒼梧謠 一詞

採桑子 一詞 洞仙歌 一詞

瑞鶴仙 一詞

友古詞目錄終

友古詞

宋 蔡 伸

水調歌頭 前堂寶兒
韵別彭城

醉擊玉壺缺恨寫綠琴哀悠悠往事誰問離思
渺難裁綠野堂前桃李燕子樓中歌吹那忍首
重回唯有舊時月遠遠逐人來 小庭空清夜
永獨徘徊伴人幽怨一枝蕭洒龍頭梅口斷雲
帆西去目送煙波東注千里接長淮為我將雙
淚好過楚王臺

又 時居
莆田

亭臯木葉下原隰菊花黃憑高滿眼秋意時節
近重陽追想彭門往歲千騎雲屯平野高宴古
毡場吊古論興廢看劍引盃長 感流年思往
事重淒涼當時坐間英俊強半已凋亡慨念平
生豪放自笑如今霜鬢漂泊水雲鄉已無功名
志此意付清觴

又

相逢非草草分袂太怱怱征裘淚痕迥過睥子
怯酸風天際孤帆難駐柳外香駢望斷雲雨各
西東回首重城遠樓觀算煙中 黯銷魂思陳
事已成空東郊勝賞歸路騎馬踏殘紅月下
樽芳酒凭闌幾曲清歌別後少人同為問桃花
臉一笑為誰容

滿庭芳

煙鎖長堤雲橫孤嶼斷橋流水溶溶凭闌凝望
遠目送征鴻桃葉溪邊舊事如春夢回首無蹤
難忘處紫薇花下清夜一樽同 東城携手地
尋芳遶勝賞遍珍叢念紫簫聲闌燕子樓空好
是盧郎未老佳期在端有相逢重重恨聊憑紅
葉和淚寄西風

又

風捲龍沙雲垂平野晚來密雪交飛坐看闌檻

瓊蠶遍塞枝枝教點蘭房景致金鋪掩扉幙低垂
紅爐畔淡斟低唱天色正相宜更闌人半醉
香肌玉暖寶髻雲欹又何須高會梁苑瑤池堪
笑子猷訪戴清興盡忍凍空回仍休羨漁人江
上披得一蓑端

又

鸚鵡洲邊芙蓉城下迥然水秀山明小舟雙槳
特地訪雲英驚破蘭衾好夢開朱戶一笑相迎
良宵永南窗皓月依舊照娉婷別來無限恨
持盃欲語恍若魂驚愴霎時相見又憐離情還
是箇箇去也重攜手密語叮嚀佳期在寶釵鬢
鏡端不負平生

又

秦洞花迷巫陽夢斷夜來曾到藍橋洞房深處
重許見雲翹憑殘燈耿耿紗窗外疎雨蕭蕭
雙心字重衾小枕玉困不勝嬌尋常愁夜永

今宵更漏彈指明朝敘深情幽怨淚痕香綃記
取子飛厚約丹山口別還安巢驂鸞去青霄路
總明月共吹簫

又

玉鴨翻香紅爐疊勝綺窗疎雨瀟瀟故人相過
情話款良宵酒暈微紅靚臉橫波浸滿眼春嬌
雲屏掩鴛鴦被煖欹枕聽寒潮如今成別恨
臨風對月摠是無聊念傷心南陌執手河橋還
似一場春夢離魂斷楚些難招佳期在踏青時
候花底聽鳴鏐

蘇武慢

雁落平沙煙籠寒水古壘鳴笳聲斷青山隱隱
敗葉蕭蕭天際曉鳴寒亂樓上黃昏片帆千里
歸程年華將晚望碧雲空暮佳人何處夢魂俱
遠憶舊遊遠館朱扉小園香徑尚想桃花人
面書盈錦軸恨滿金徽難寫寸心幽怨兩地華

愁一棹芳酒淒涼危欄倚遍儘遲留憑仗西風吹乾淚眼

飛雲滿羣山又名烏丹尋舊約

水結金壺寒生羅幙夜闌霜月侵門翠筠敲竹疎梅弄影教聲雁過南雲酒醒欵欵祭桃槍猶有殘粧淚痕繡衾孤擁餘香未減猶是那時爐長記得扁舟尋舊約聽小窗風雨燈火昏昏錦綢纔展瓊籤報曙寶釵又是輕分黯然攜手處倚來銷愁凝黛艱夢回雲散山遙水遠空斷魂

又

絕代佳人幽居空谷綺窗森玉倚倚小舟雙槳重尋舊約洞房宛是當時夜闌紅燭暗黯相對渾如夢裏旋烘鴛錦塵生繡帳香滅縷金衣須信有盟言同皎日口利牽名役事與君違君已許口今生來世兩情到此奚疑彩鸞須鳳友算何日丹山共瑞未耐深願綿綿此恨無盡期

水龍吟重過舊隱

画橋流水桃溪路別是壺中佳致南樓夜月東窗疎雨金蓮共醉人靜回廊竝肩携手玉蕊香裏念紫簫聲斷巫陽夢覺人何在花空委寂莫危欄獨倚望仙鄉水雲無際芸房花院重來空鎖蒼苔滿地物是人非小池依舊彩鸞雙戲念當時風月如今懷抱有盈襟淚

暮山溪登歷易城樓

孤城算角落日邊聲靜醉袖拂危闌對天末孤雲愁凝吳津楚望裏抱江山山隱隱水迢迢滿目江南景霸懷易感往事傷重省難挾浥殊香鬢星星忍窺清鏡瓊英好在應念玉關遠凝淚眼下層樓回首平林暝

又

疎梅雪裏已報東君信冷艷與清香似一個人人標韵晚來特地酌酒慰幽芳携素手摘纖枝

揀向烏雲髮。老來世事百種皆消盡。榮利等
浮雲。澁汲徒勞。方寸花前眼底。幸有賞心人。
歌金縷。辭瑤卮。此外君休問。

又

書雲今日雪。霽嚴凝。候玉輦。想回鑾。正花覆千
官錦。繡周南。留滯清夢。繞觚稜。心耿耿。路迢迢。
此際空回首。華堂薦壽。玉筍持椒酒。一曲轉
春鶯。更祝我。膚時納祐。功名富貴。老去已灰心。
唯只願。捧觴人。歲歲長依舊。

又

金風玉露。時節清秋。候散髮。步開亭。對榮葵。一
天星斗。悲歌慷慨。念遠復傷時。心耿耿。髮星星。
倚枕空搔首。區區戀豆。豈是甘牛後。時命未
來間。且只得。低眉袖手。男兒此志。肯向死前休。
無限事。幾多愁。總付盃中酒。

念奴嬌

凌空寶觀乍登臨。多少傷離情味。綠絲煙波吳
會。遠極目。江淮無際。檻外長江。樓中紅袖。淡蕩
秋光裏。一聲橫吹。半離陽鷺驚起。因念選館
香闌玉肌。花貌有盈盈仙子。弄水題紅。傳密意。
寶墨銀鈎。曾寄淚粉。香銷碧雲。路香脉脉。人千
里。一彎新月。勝斷危欄獨倚。

又

歲華晚。晚念羈懷多感。佳會難。卜草草盃盤聊
話舊。同剪西窗寒燭。翠袖籠香。雙蛾歛恨。低按
新翻曲。無情風雨。斷腸更漏催促。窗窗歸騎
難留。鸞屏鴛被。忍良宵孤宿。回首幽歡成夢境。
唯覺衣襟芬馥。海約山盟。雲情雨意。何日教心
足。不如不見。爲君一味愁感。

又

畫堂宴閣。望重簾不捲。輕啞朱戶。悄悄回廊。驚
新閨蟋蟀。凌波微步。酒力融春。香風暗度。攜手

假金縷低低笑問睡得真箇穩否 因念隔闊
經年除非魂夢裏有時相遇天意憐人心在了
豈信關山退阻曉色朦朧柔情睠戀後約叮嚀
語休教腸斷楚臺朝暮雲雨

又

當年豪放況朋儕俱是一時英傑逸氣凌雲佳
麗地獨占春花秋月冶葉倡條尋芳選勝是處
曾攀折昔遊如夢鏡中空嘆華髮 邂逅萍梗
相逢十年往事忍樽前重說茂綠成陰春又晚
誰解丁香千結寶瑟彈愁玉壺敲怨觸目堪愁
絕酒闌人靜爲君腸斷時節

又

輕雷驟雨洗千岩濃翠層巒森列衣袂涼生叢
竹外時有飛螢明滅雲浪鱗鱗蘭舟泛泛共載
一輪月五湖當日未應此段奇絕 端路橫玉
驚鸞呼雲清似水悠颺天末玉宇瓊林凝望處

依約廣寒宮闕老去情鍾此心仍在未肯甘華
髮清歡留作異時嘉話重說

雨中花慢

寓目傷懷逢歡感舊年來事疎慵嘆身心業
重賦得情濃況是離多會少難忘雨跡雲蹤望
斷無錦字雙鱗杳杳新雁誰離 良宵孤枕人
遠天涯除非夢裏相逢相逢處愁紅欲黛還又
匆匆回首綠窗朱戶可憐明月清風斷腸風月
關河有盡此恨無窮

喜遷鶯

青娥呈瑞正慘慘算寒同雲千里剪水飛花漸
漸瑤英密洒翠筠聲細遶館靜深金鋪半掩重
簾垂地明窗外伴疎梅滿酒玉肌香膩 幽人
當此際醒魂照影永漏愁無寐強拊清樽慵添
宵鴨誰會黯然情味幸有賞心人奈咫尺重門
深閉今夜裏算忍教孤負凝香鴛被

憶瑤姬

南徐連齋
觀月

微雨初晴洗瑤空萬里月桂水輪奐寒宮闕
望素城縹緲丹桂亭亭金盤露冷玉樹風輕
覺秋思清念去年曾共吹簫侶同賞蓬瀛奈
此夜旅泊江城謾花光眩目綠酒如氤幽懷終
有恨恨綺窗清影虛照娉婷藍橋杳楚館雲深
擬憑歸夢去強就枕無奈孤衾夢易驚

酈奴兒慢

明眸秀色別是天真瀟酒更鬢髮堆雲玉臉淡
拂輕霞醉裏精神衆中標格誰能畫當時携手
花籠淡月重門深亞巫峽夢回已成陳事豈
堪重話謾贏得羅襟清淚鬢邊霜華念傷懷凭
闌煙水渺無涯秦源目斷碧雲昇合難認仙家

滿江紅

人倚金鋪翠黛盈盈墮曉話別處留連無計
語嬌聲咽十幅雲帆風力滿一川煙曉波光闊

但回首極目望高城彈指血並蘭舟停圓荷
曾共醉津亭月銷魂處今夜月圓人缺楚岫雲
歸空悵望漢皋佩解成輕別最苦是拍塞滿懷
愁無人說

婆羅門引

再遊仙潭
薛氏園亭

素秋向晚歲華分付木芙蓉蕭蕭紅蓼西風記
得當時擷翠擁手繞芳叢念吹簫人去明月樓
空遙山萬重望寸碧想眉峯翠鈿瓊瑤謾好
誰適爲客淒涼懷抱算此際唯我與君同凝淚
際目送征鴻

青玉案

和賀方
回韵

參差弱柳長堤路弱柳外征帆去皓齒明眸嬌
態度回頭一夢斷腸千里不到相逢地來時
約畧春將昇幽恨空餘錦中句小院重門深幾
許桃花依舊出牆臨水亂落如紅雨

又

鸞鳳本是和鳴友奈無計長相守雲雨匆匆分
袂後綵舟東去櫓聲啞札目斷長堤柳 涓涓
清淚輕綃透殘粉餘香尚依舊獨上南樓空回
首夜來明月怎知今夜少箇人攜手

浣溪沙

王第
五
月四
朝

雙佩雷文拂手香青紗衫子淡梳粧水姿綽約
自生涼 虛掉玉釵驚翡翠緩移蘭棹趁鴛鴦
鬢髮風亂綠雲長

又

王趾彎彎一折弓秋波剪碧豔雙墻淺顰輕笑
意無窮 夜靜攤爐燼鵲鵲月明飛棹採芙蓉
別來歡事少人同

又
仙
二
首

蘋末風輕入夜涼飛橋画閣跨方塘月移花影
上迴廊 聚枕隨奴雲鬢亂紅綿撲粉玉肌香
起來携手看鴛鴦

又

窗外疎簾對節金画橋新綠一篙深沉清夜
對橫參 酒暈半消紅玉臉雲鬟輕製小犀簪
夢回陳迹杳難尋

又
崑山
月
華閣

沙上寒鷗接異飛潮生潮落水東西征舫鳴櫓
趁潮歸 望斷碧雲無錦字設題紅葉有新詩
黃昏微雨倚闌時

又

漠漠新田綠未齊柳陰陰下水平堤竹間時有
乳鴉啼 雲歛屏山橫枕畔夜闌壁月轉林西
玉芝香裏綵鴛栖

又

紫燕雙雙掠水飛廉纖小雨未成泥離邊開盡
野薔薇 會少離多終有恨曾來還去益堪悲
後期重約採蓮時

又

窄窄霜銷穩稱身強臨歌酒憐離魂故人相遇
並傷神 斷雨殘雲千里隔瓊枝璧月四時新
爲君留取鏡中春

又

且闌樽前見在身昔遊如夢可銷魂玉容依約
舊精神 千里重來人事改一盃相屬意還新
韶華不減洞中春

又

歐向伯葵鄉
林木聲二首

木似文犀感月華寸根移種自仙家春蘭秋菊
浪矜誇 玉露初零秋夜永幽香直入小窗紗
此時風月獨輸他

又

葉剪玻璃葉參金清香端不數瓊沉獨將高韵
冠鄰林 千里江山新夢後一天風露小庭深
玉人歸興已驩驩

伯恭時守平江府署中有水
岸開時大起埽與余故有後

又

詞未訖不數月得
諸歸鄰林舊隱

淺揭衫兒壽帶藤礙花如意枕冠輕鳳鞋弓小
稱娉婷 約畧梳妝隨事好出塵標韵出塵清
一枝梅映玉壺冰

又

窗外桃花爛熳開年時曾伴玉人來一枝斜
鳳皇釵 今日重來人事改花前無語獨徘徊
淒涼懷抱可憐哉

虞美人

瑤琴一弄清商怨樓外桐陰轉月華澄淡露華
濃寂寞小池煙水冷芙蓉 攀花擷翠當時事
綠葉同心字有情還解憶人無過盡寒沙新雁
甚無書

又

飛梁石徑開山路慘淡秋容真一行新雁破寒

空腸斷碧雲千里水溶溶
鬱袞欲展誰堪共
簾幙霜華重鴨爐香盡錦屏中
幽夢今宵何許
與君同

又

紅塵疋馬長安道人與花俱老
緩垂鞭袖過平康
散盡高陽零落少年場
朱絃重理相思調
無奈知音少
十年如夢儘堪傷
樂事如今回首
做淒涼

又

甲辰
入燕

綵旗搖曳櫓舳轉鷁首征帆展
高城樓觀昇雲
平疊鼓凝笳都在斷腸聲
綠窗朱戶空回首
明月還依舊
亂山無數水茫茫
誰念塞垣風物
聯惻惶

又

堆瓊滴露冰壺瑩樓外天如鏡
水晶雙枕襯雲
鬢卧看千山明月聽潺湲
渡江桃葉分飛後

馬上猶回首郵亭今夜月空圓
不似當時携手
對嬋娟

又

碧溪曾寄流紅字
忍話當時事
重來種種盡堪悲
有酒盈盃聊爲故人持
夜閒剪燭西窗語
懷抱今如許
樽前莫訝兩依依
綠鬢朱絃不似
少年時

又

鸞屏繡被香雲擁
平帖幽閨夢
覺來重試古龍涎
深炷玉爐燒氣不燒煙
匆匆人去三更也
月到迴廊下
出門無語送郎時
淚共一天風露
溼羅衣

生查子

畫堂初見伊
明月當窗滿
今夜月如眉
話別河橋畔
重見約中秋
莫負于飛願
免使月圓時
兩處空腸斷

又

霜寒月滿窗夜永人無寐絳蠟有餘燭偏照鴛
鴦被看盡舊時書滴盡今生淚衙鼓已三更
還是和衣睡

又

金壺插玉芝人面交相照花影滿方床翠疊屏
山香風月亦多情特地今宵好儘道夜初長
彈指東窗曉

又

幾番花信風數點龍絲雨竝轡踏香塵選勝東
郊路韶華轉首空誰解留春住幸到綠尊前
且作鶯花主

又

銀缸委墜紅碧鎖朦朧曉別淚洒金徽一曲情
多少郵亭今夜長明月香燭悄縱使夢相逢
何處尋蓬島

南歌子

蕭寺疎鐘斷虛堂夜氣清涼蟾偏向水窗明露
井碧梧葉寒葉顫秋聲幽恨人誰問孤衾淚獨
橫此時風月此時情擬倩藍橋婦夢見雲英

又

遠水澄明綠孤雲黯淡愁白蘋紅蓼滿汀洲腸
斷圓蟾空照木蘭舟節物傷離旅歸程歎滯
留佳期已誤小紅樓賴得今年猶有閨中秋

又

恨入眉峰翠寒生酒暈紅臨期凝淚洒西風須
信世間無物似情濃玉燈敲霜月金鉏伴曉
鐘淒涼古驛亂山重今夜擁衾無寐與君同

南鄉子

天外雨初收風緊雲輕已變秋邂逅故人同一
笑還留聚散人生宜自謀去路指南州萬頃
雲濤一葉舟莫話太湖波浪險歸休人在溪邊

正倚樓

又宣和壬寅年與向伯恭俱為大書時
又官向有詞云憑窗猶斷腸因為此詞

木落雁南翔錦鯉慙勤為渡江淚墨銀鈎相憶

字成行滴損雲牋小鳳皇陳事費思量回首

經波卷夕陽儘道惡音聊破恨難忘及至書來

更斷腸

菩薩蠻

笏笏枕上雲堆綠隨膏微潤知新沐開帳對華

燈見郎雙眼明錦衾香馥郁檻竹敲寒玉何

物最無情曉雞啼嗑聲

又

杏花零落清明雨卷簾雙燕來還去枕上玉芙蓉

客喚香堆錦紅翠翹金鈿雀蟬鬢慵梳掠心

事一春開黛眉顰遠山

又

飛英不向枝頭住等閑又送春歸去雲煙翠陰

浮長隨日脚流玉篇吹風怨驚起樓中燕飛
去自雙雙惱人空斷腸

又唐庚
盛享

水光山影浮空碧柳絲搖曳春無力柳岸繁行

舟吹簫憶舊遊舊遊堪更憶空斷迷南北千

古恨悠悠長江空自流

又

當時攜手今千里可堪重到相逢地觸目盡關

心流鶯尚好音無人知我意只有涓涓淚寂

寞到斜陽羅衣裏舊香

又

鳴笳叠鼓催雙槳扁舟穩泛桃花浪別淚酒東

風前歡如夢中夢魂無定據不到相逢處縱

使夢相逢香閣豈解同

又

金鋪半掩銀蟾清酒人應恨歸來晚亂亂檐聲

遲那知心已飛迎門一笑粲嬌困橫波慢慢倚綠窗前今宵人月圓

又

雙雙紫燕來華屋雨餘芳艸池塘綠一夜擺花風鶯花滿樹紅
孟深君莫訴醉袖歌金縷無奈惜花心老來情轉深

又

朝來一陣狂風雨春光已作堂堂去茂綠滿繁枝青梅結子時
攀枝驚曉曉樂事孤心眼正是惜春歸那堪怨別離

又

凝羞隔水拋紅豆嫩桃如臉腰如柳心事暗相期陽臺雲雨迷
玉樓花似雪花上朦朧月渾淚執柔荑窗窗話別時

又

花冠鼓翼東方動蘭闥驚破遶陽夢翠被小屏

山曉窗燈影殘並頭雙燕語似訴橫塘雨風雨曉寒多征人可奈何

憶秦娥

湖西

湖光碧春花秋月無今昔無今昔十年往事盡成陳迹
玉簫聲斷雲屏隔山遙水遠長相憶長相憶一生懷抱爲君牽役

又

花陰月闌堂夜宴神仙客神仙客江梅標韻海棠顏色
良辰佳會誠難得花前一醉君休惜君休惜楚臺雲雨今夕何夕

清平樂

綠舟雙楫六月臨平路小雨輕風消晚暑繞岸荷花無數
玉人環枕方床遙知待月西廂昨夜有情風月今宵特地淒涼

又

南窗月滿繡被堆香暝若恨春宵更漏短應訝

郎歸又晚 征帆初落橋邊迎門一笑嫣然今
夜流霞共酌何妨金盞垂蓮

又

明眸秀色肌理凝香雪羅綺叢中標韻別捧酒
歌聲清越不辭醉臉潮紅却愁歸野窗窗回
首綠窗朱戶斷腸明月清風

謁金門

溪聲咽溪上有人離別別語叮咛和淚說羅巾
雷淚血儘做剛腸如鐵到此也應愁絕回首
斷山帆影減回船空載月

又

相思切觸目只供愁絕好夢驚回清漏咽燭殘
香穗結長恨南樓明月只解照人離缺同倚
朱欄飛大白今宵風月別

憶王孫

涼生冰簟怯衣單明月樓高空画欄滿院啼鶯

人未眠掩重關易鵲南飛風露寒

阮郎歸

煙籠寒水暝禽栖滿庭紅蕖飛闌窗寂寂画簾
垂霜濃更漏遲鴛被冷屏香微燭散單枕時
西窗看盡月痕移此情君怎知

柳梢青

數聲鶯鴂可憐又是春歸時節滿院東風海棠
鋪繡梨花飄雪丁香露泣殘枝算未比愁腸
寸結自是休文多情多感不干風月

又

子規啼月幽禽夢斷銷魂時節枕上斑斑枝頭
點點染成清血淒涼斷雨殘雲算此恨文君
更切老去情懷春來況味那堪離別

又

聯璧尋春踏青尚憶年時攜手此際重來可憐
還是年年時候陰陰柳下人家面桃花似

依舊但願年年春風有信人心長久

好事近

花露滴香紅花底漏聲初歇人似一枝梅瘦照
冰壺清徹翠蛾雲鬢爲誰容蟲絲寶奩結可
惜一春顏額負滿懷風月

又

十幅健帆風天意巧催行客極目五湖雲浪沉
滿空秋色玉人應怪悞佳期凝恨正脉脉錦
鱗爲傳尺素報蘭舟消息

卜算子

風雨送春歸寂寞花空委枝上紅絺地上多
點點流水翠黛歛春愁照影臨清池應念部
華情舞顏酒遍胭脂淚

又

小閣枕清流一霎蓮塘雨風遞幽香入檻來枕
簟全無暑憑想似花人閱歲音塵阻物是人

非空斷腸夢入芳洲路

又題

玉斧斲冰輪中有乘鸞女鬢亂釵橫襟袖涼只
恐輕飛舉青冥縹緲間自有吹簫侶不向巫
山十二峯朝暮爲雲雨

又

前度月圓時月下相攜手今夜天邊月又圓夜
色如清畫風月潭依舊水館空回首明夜歸
來試問伊曾解思量否

又

重重雪外山渺渺煙中路路轉山橫無盡愁正
是分携處望極錦中書腸斷魚中素錦素沉
沉雨未期魚雁空相誤

又

春事付鶯花曾是鶯花主醉拍春衫金縷衣只
向花間住密意君聽取莫還東風去若是真

心待子飛雲裏千條路

小重山 吳松浮天
關送別

樓外江山展翠屏
沉沉虹影畔
綠絲舟橫一棹別
酒爲君傾留不住
風色太無情
斜日半山明
画欄重倚處
獨銷凝
片帆回首在青冥
人不見
千里暮雲平

又

澹澹秋容煙水寒
樓高
清夜永
倚闌干
玉人不見坐長歎
簫聲遠
明月滿空山
遐想綠雲鬟
青冥風露冷
獨華鸞
別時容易見時難
憑孤枕
聊復夢嬋娟

又 宣和甲辰余自彭城倅以機燕山取道
莫聞見所謂陳文者於州治之舊邊閣
誠不負所聞明年塔則陳已入
道矣誰守呼至之卽席贈此

流水桃花小洞天
壺中春不老
勝塵寰
霞衣鶴
整並桃冠新
裝好風韵愈飄然
功行滿三千
嬰兒并姪女
鍊成丹
劉郎曾約共昇仙
十箇月

養箇小金瓊

又

樓上風高翠袖寒
碧雲籠淡日照闌干
綠楊芳草恨綿綿
長亭路何處認征鞍
曉鏡嬾重看
鬢雲堆鳳髻
任闌珊
鸞衾鴛枕小屏山人如玉
忍負一春闌

踏莎行

珮解江皋魂消南浦
人生惟有別離苦
別時容易見時難
算來却是無情語
上語
百計留君留君不住
留君不住君須去
望君頻問夢中來
免教腸斷巫山雨

又 秦技胡芳來常誠藉以其端嚴如
木偶人因目之爲伶乃作是云

如是我聞金仙出世
一起直入如來地
慈悲方便濟羣生
端嚴妙相誰能比
四衆皈依悉皆歡
喜有情同赴龍華會
無憂張幕結良緣
麼訶脩哩脩脩哩

又

客裏光陰傷離情味玉觴未舉心先醉曉
怪苦留連橋易轉處人千里恨寫新聲雲
窈窕寄短封難盡心中事憑君看取紙痕
斑分明總是離人淚

又題圖

落日歸雲寒空斷雁吳波淡淡山平遠丹
青寫出在霜縑佳人特地裁圓扇漁艇孤
煙酒旗幽院萱兒景趣君休羨五湖亭去
共扁舟何如早早酬深願

又

水滿青錢煙滋翠葆殘英滿地無人掃先
來羈思亂如雲無端更被春醒惱疊疊遙
山綿綿遠道凭闌滿目唯芳草莫驚青鬢
點秋霜蘆郎已分愁中老

又贈老歲道人

玉質孤高天姿明惠了無一點塵凡氣白蓮空
殿鎖幽芳亭亭獨占秋光裏一切見聞不可
思議我今有分親瞻禮願垂方便濟眾生他時
同赴龍華會

定風波

一曲驪歌酒一鍾可憐分袂太匆匆百計留君
留不住君去滿川煙曉滿帆風目斷魂銷人
不見但見青山隱隱水浮空擬把一襟相憶淚
試口雲牋密酒付飛鴻

又丙寅四月吳門西樓之集

老去情鍾不自持簪花酌酒送春歸玉貌水安
人窈窕一笑清狂豈減少年時欲上香車俱
脉脉口口半簾花影月平西待得酒醒人已去
凝眸斷雲殘雨儘堪悲

點絳脣

登臨陽
水繞孤城亂山深鎖橫江路帆歸別浦冉冉蘭

單算 人在天涯雁背南雲去空凝峙鳳樓何處煙靄迷津渡

又和安行
老詩

香雪飄零暖風著柳籠絲雨惱人情緒春事還如許 寶勒朱輪共結尋芳侶東郊路亂紅深處醉拍黃金鏤

又

背壁燈殘臥聽簷雨難成寐井梧飄墜歷歷蛩聲細 數盡更籌滴盡羅巾淚如何睡甫能得睡夢到相思地

又

月缺花殘世間樂事難雙美夜來相對把酒彈清淚 一點情鍾銷盡英雄氣樊籠外五湖煙水好作扁舟計

又

玉筍持盃飲紅鞵翠歌金縷綵鸞飛羽未免羣

雞姑 我爲情多愁聽多情語君休訴兩心堅
回雲裏千條路

又

人面桃花去年今日津亭見瑤琴錦薦一弄清商怨 今日重來不見如花面空腸斷亂紅千片流水天涯遠

又西
寅

梅雨初晴回欄開遍忘憂草闌堂清窈高柳新蟬噪 枕上芙蓉如夢還驚覺勾粧了背人微笑風入玲瓏罩

又

帳外華燈翠屏花影參差滿錦衣香暖苦恨春宵短 画角聲中雲雨還輕散河橋畔月華如練回首成腸斷

又

綠萼冰花數枝清影橫疎牖玉肌清瘦夜久輕

寒透 忍使孤芳攀折他人手人歸後斷腸回首只有香盈袖

又 送常守陳正同應之還朝

解綬朝天滿城桃李繁陰布彩舟難駐忍聽驪歌舉 協理中興聖意方傾注從今去五雲深處穩步沙堤路

又

雲雨窗窗洞房當日曾相遇暫來還去無計留春住 寶瑟重調靜聽鶯絲語休輕負綺窗朱戶好做風光主

昭君怨

一曲雲和鬆響多少離愁心上寂寞掩屏帷淚沾衣 最是銷魂處夜夜綺窗風雨風雨伴愁眠夜如年

醉落魄

波紋如縠池塘雨後添新綠海棠初綻紅生肉

雙燕歸來還認舊巢宿 凝情憑喚闌干曲新愁無限傷心目誰人月下吹橫玉驚起鴛鴦飛去自相逐

又

霜華搖落亭亭皓月侵朱箔夢回欹枕聽殘角一片寒聲風送入寥廓 眼前風月都如昨獨眠無奈情懷惡凭肩攜手飛約斷想人人終是賦情薄

又

明眸秀色雙蛾巧回春山碧盈盈標韻傾瑤席一見樽前宛是舊相識 深期密語離端的良宵無奈成輕擲忍教只恁空相憶得入手來無限好則劇

又

陽關聲噫清歌響斷雲屏隔溪山依舊連空碧昨日主人今日是行客 綠窗朱戶應如昔回

頭往事成陳迹後期總使無端的月下風前應也解相憶

極相思

碧簷鳴玉玳瑁金瑣小蘭房樓高夜永飛霜滿院璧月沉缸雲雨不成巫峽夢望仙鄉煙水茫茫風前月底登高念遠無限淒涼

又

相思情味堪傷誰與話裏腸明朝見也桃花人面碧鮮迴廊別後相逢唯有夢夢同時展轉思量不如早睡今宵魂夢先到伊行

玉樓春

碧桃溪上藍橋路寂寞朱門開院宇粉牆疎竹弄清響玉砌紅蕉宜夜雨箇中人是吹簫侶花底深盟曾共語人生樂在兩知心此意此生君記取

又

星河風露經年別月照離亭花似雪寶釵鸞鏡會重逢花裏同眠今夜月月華依舊當時節細把離腸和淚說人生只合鎮長圓休似月圓

圓又缺

長相思

我心堅你心堅各自心堅石也穿誰言相見難

小窗前月嬋娟玉困花柔並枕眠今宵人月

圓

又

錦衾香玉枕雙昨夜深深小洞房回頭已斷腸背蘭缸夢仙鄉風撼梧桐雨洒窗今宵好夜

長

又

村姑兒紅袖衣初發青梅補袖時雙雙女伴隨長歌詩短歌詩歌裏真情恨別離休言伊不

知

西地錦

寂寞悲秋懷抱掩重門悄悄清風皓月朱闌
閣雙鴛池沼不忍今宵重到惹離愁多少
山路蒼苔橋信阻黃花空老

端田樂

風生蘋末蓮香細新浴晚涼天氣猶自倚朱闌
波面雙雙彩鴛戲鶯斂委墜雲堆髻誰會此
時情意水單玉琴橫還是明月人千里

七娘子

天涯觸目傷離緒登臨況值秋光算手撚黃花
憑誰分付離離雁落兼葭浦憑高目斷桃溪
路屏山樓外青無數綠水紅橋鎖窗朱戶如今
總是銷魂處

感恩恩

酒量觀橫波玉肌香透輕裊腰肢垂柳臂寬
金釧且是不干春瘦撚金雙合字無心繡翼

雲半墮金釵欲溜羅袂殘香忍重嗅渡江桃葉
腸斷爲誰招手倚闌凝望久眉空闌

又

膏雨曉來晴海棠紅透碧草池塘裊金柳王孫
何在不念玉容消瘦日長深院靜簾垂繡
曉枕墮釵粉痕輕溜玉鼎龍涎記同喚鈿箏重理
心事謾憑纖手素絃彈不盡眉峯闌

減字木蘭花

吳夢元日秀守劉卿任有詞
時余適至秀因用其詞二首

南初
因崇

彤庭龍尾禮備天顏知有喜九奏初傳耳冷人
間十七年盈成持守仁德如春漸九有三輔
名州好整笙歌結勝遊

又

船回沙尾幾誤紅窗聽鶯喜尺素空傳轉首相
逢又隔年寒燈獨守玉筍持盃寧復有秀水
南州徒使幽人作夢遊

又

多情多病玉貌瘦來愁覺鏡門掩東風零落桃花滿地紅重簾不捲愁覩杏梁雙語燕強拂瑤琴一曲幽蘭淚滿襟

又庚申七夕

金風玉露喜鵲橋成牛女渡天宇沉沉一夕佳期兩意深瓊籤報曙忍使隨輪容易去明日如今想見君心似我心

又

錦屏人醉玉暖香融春有味今日蘭舟魂夢還隨綠水流高城望斷無奈城中人不見斜倚粧樓恨入眉峯兩點愁

漁家傲

煙鎖池塘秋欲算細細前香直到雙栖處並枕東窗聽夜雨侵金縷雲深不見來時路曉色朦朧人去住香覆重簾密密聞私語目斷征帆

歸別浦空凝眸苔痕綠印金蓮步

西樓子

樓前流水悠悠駐行舟滿目寒雲衰艸使人愁多少恨多少淚設遲留何似暮然拚捨去來

休

又

紅韞玉帶歲裁翠銷衣並響鞭粧影照清溪長亭路停騎處晚涼時空有許多明月伴雙

栖

御街行

東君不鎖尋芳路曾是鬢花至有情風月可憐宵猶記綠窗朱戶十年空想春風面香無許憑鱗羽淒涼懷抱今如許天與重相遇不應還向楚峯前朝算爲雲爲雨算來各把平生分付也不是惡著處

洛陽春

柳○向誤作上陽春

好在章臺楊柳不禁春瘦淡煙微雨颭塵絲鎖
一點眉頭皺憶自灞陵別後青青依舊萬絲
千縷太多情忍攀折行人手

臨江仙

繁杏枝頭蜂蝶亂香風圍坐微聞靚粧濃艷任
東君無情風雨春事已平分珍重主人留客
意夜闌秉燭開樽何須歌韻遍行雲羽觴交勸
揮塵細論文

又

昨夜中秋今夕望十分桂影團圓玉人相對綠
樽前素娥有恨應是妬嬋娟人靜小庭風露
冷歌聲特地清圓醉紅釀臉鬟偏翠裙輕皺
端的爲留仙

又

簾幙深深清晝永玉人不耐春閑鐙牙碁子綫
金圓象盤雅戲相對小窗前隔打直行尖曲

路教人費盡機關局中勝負定誰偏饒伊使倖
畢竟我贏先

又

仙品不同桃李艷移來月窟雲鄉幽姿綽約道
家妝綠雲堆髻嬌額半塗黃可但乍涼風月
下饒伊獨占秋光雨中別有惱人香錯教蕭史
腸斷憶巫陽

又

琪樹鬱栖花露重依稀蘭洞風光玉人相對自
生涼翠鬟瓊珮綽約盡珠粧寶瑟聲沉清夢
覺夜闌明月幽窗可堪襟袂惹餘香斷雲殘雨
何處認高唐

又

記得南樓三五夜曾聽鳳筦昭華樽前此際重
興嗟素娥端有恨煙靄等閑遮珍重主人留
客意厭厭緩引流霞夜開銀漢淡天涯亭亭丹

桂現耿耿玉繩斜

又裁

青潤奇峯名韞玉溫其質竝瓊瑤中分瀑布瀉
雲濤雙轡呈翠色氣象兩相高珍重幽人誠
好事綠窗聊助風騷寄言俗客莫相嘲物輕人
意重千里贈鵝毛

瑞鷓鴣

多有作北里選勝圖冠以曲字各
東風第一枝哀然居首固作此詞

脉脉柔情不自持淺顰輕笑百般宜樽前唱歇
黃金縷一點春愁入翠眉流蕙盼捧瑤卮借
君歌扇寫新詩浮花謾說驚郎月不似東風第
一枝

一枝

惜奴嬌

一作粉
綠兒

隔闊多時算彼此難存齊咫尺地千山萬水眼
眼相看要說話都無計只是唱曲兒詞中認意
雪意垂垂更刮地寒風起怎禁這幾夜意未
散癡心便指望長偎倚只替那火桶兒與奴喚

被

行香子

珠露初零天宇澄明正開階皎月亭亭更闌人
靜煙歛風清更井邊桐一葉葉做秋聲斗帳
簾屏翠被華綃夢同時酒力初醒綠雲堆枕紅
玉生春且打疊起龍牙簟竹夫人

一剪梅

堆枕烏雲墮翠翹午夢殘回清眼春嬌燦燦一
媚楚宮腰那更春來玉減香消柳下朱門傍
小橋幾度紅窗誤認鳴鑾斷腸風月可憐宵忍
便懨懨兩處無聊

又

高宴華堂夜向闌急管飛霜羯鼓聲乾仙人掌
上水晶盤回按凌波舞袖弓彎曲罷凝嬌整
翠鬟玉筍持盃巧笑嫣然爲君一醉倒金船只
恐醒來人隔雲山

又甲辰除夜

夜永虛堂燭影寒斗轉春來又是明年異香懷抱只淒然樽酒相逢姑且自寬天際孤雲雲外山夢繞孤樓日下長安功名已覺負初心差對菱花綠鬢成斑

六么令

梅英飄雪弱柳弄新綠冷冷画橋流水風靜波如殼長記扁舟共載偶近旗亭宿渺雲橫玉鶯鶯枕上聽徹新畚數般曲此際魂清夢冷綉被香分馥因念多感情懷觸處傷心目自是今宵獨寐怎不添愁感如今心足風前月下賴有新人慰幽獨

鎮西

秋風吹雨覺重衾寒透傷心聽曉鐘殘漏凝情久記紅窗夜雪促膝圍爐交盃勸酒如今頓孤歡偶念別後菱花清鏡裏眉峯暗闌想標容

怎禁銷瘦忍回首但雲旖旎妙墨鸞錦啼妝依然似舊臨風淚霑襟袖

看花回

和趙晉夫韵

夜久涼生庭院漏聲頻促念昔勝遊舊地對画閣層巒雨餘煙簇新詩暗藏小字霜刀刊翠竹攜素手細繞回塘菱荷香裏彩鸞宿別後想香銷膩玉帶圍減削寬金釵雖有鱗鴻錦素奈事與心違佳期難卜擬解愁腸萬結唯憑樽酒綠望天涯斷魂處醉拍闌干曲

訴衷情

亭亭秋水玉芙蓉天際水浮空碧雲望中空算人在廣寒宮雙纓桃曲屏風小房櫳可憐今夜明月清風無計君同

浪淘沙

樓下水潺湲樓外屏山淡煙籠月晚涼天曾與玉人攜素手同倚闌干雲散夢難圓幽恨綿綿

綿舊遊重到忍重看負你一生多少淚月下花前

如夢令

人靜重門深亞朱閣画簾高掛人與月俱團月色波光相射瀟瀟酒瀟瀟人月長長今夜

又

今夜行雲何處還是月華當年倚遍曲欄橋望斷錦屏歸路空去空去夢到綠窗朱戶

愁倚欄

傷春晚送春歸步雲溪綠葉同心雙小字記會題樓外紅日平西長亭路煙草萋萋雲雨不成新夢後倚欄時

又

天如水月如鉤正新秋月影參差人窈窕小紅樓如今往事悠悠樓前水腸斷東流舊物忍看金約腕玉搔頭

又

一番雨一番涼夜初長滿院蛩吟人不寐月侵廊木犀微綻幽芳西風透窈窕紅窗恰似箇人驚被裏玉肌香

望江南

唐

落花盡寂寞莫殘紅蝶帳夢回空曉月風樓人去設東風春事已成空閑吟立口口水溶溶雲鎖亂山橫綠煙籠綠樹晚涼濛濛却在淚痕中

春光好

鸞屏掩翠衾香小蘭房回首當時雲雨夢兩難忘如今水遠山長憑鱗翼難敘衷腸況是教人無可恨一味思量

風流子

韶華驚晚曉卜春光倦客惜年芳口庭樾陰濃半藏鶯語晚蘭香減時百蜂忙粉牆低嫩風茲

翠葆零露煙粧風暖畫長柳綿吹盡澹煙微
雨梅子初黃洛浦音容遠書空漫惆悵往事
悲涼無奈錦鱗香香不渡橫塘念峭嶸夢回子
規聲裡半窗斜月一梳餘香擬待自寬除非鐵
做心腸

朝中措

章臺楊柳月依依飛絮送春歸院宇日長人靜
園林綠暗紅稀庭前花謝了行雲散後物是
人非唯有一襟清淚凭欄洒遍殘枝

又

雨餘清鏡湛秋容屏展九華峯萬里關雲散盡
半規涼月當空樓高夜口永憑欄笑語此際
誰同端有妙人攜手儵然歸路凌晨

待香金童

寶馬行春緩轡隨油壁念一瞬韶光堪重惜還
是去年同醉日客裡情懷倍添淒惻記南城

錦逕名園曾遍歷更柳下人家似織此際凭欄
愁脉脉滿目江山暮雲空碧

江城子

秋夜曉半
女星作

碧幙文簾小窗前乍更闌口口口易鵲南飛秋
意漸淒然滿院蛩吟風露下人窈窕月輝娟
雙星舊約又經年信誰傳恨絲絲口隔明河長
作斷腸仙爭似秦樓蕭史伴瑤臺路共乘鸞

西江月

翡翠蒙金衫子鑲塵如意冠兒持盃輕按遏雲
詞別是出塵風味莫羨雙星舊約願諧明月
佳期憑肩密語兩心知一棹五湖煙水

蒼梧謠

天休使圓蟾照客眠人何在桂影自輝娟

採桑子

孫仲益集于西生題侍兒
作第一流因以詞謝之

奇花不比尋常艷獨步南州往事悠悠遶鶴重
來憶夢遊仙翁不改青眉眼一醉遲留妙墨

銀鈎題作人間第一流

洞仙歌

鶯鶯燕燕本是子飛伴風月佳時阻幽願但人心堅固後天也憐人相逢處依舊桃花人面綠窗攜手簾櫳重重燭影搖紅夜將半對樽前如夢欲語魂驚語未竟已覺衣襟淚滿我只爲相思特特來這度更休推後回相見

瑞鶴仙

玉倪香謾窺嘆瓶沉簪斷紫簫聲絕丹青挂寒壁細端詳宛是舊時標格首客望極奈弱水蓬山路隔似瑤林瓊樹韶華正好一枝先折淒淒切相思情味鏡中綠鬢看成華髮臨風對月空羅袂溫清血待隨群逐隊開眉一笑除你心腸是鐵看今生爲伊煩惱甚時是徹

仲通甫四人別號友古居士忠公之孫

也其居距城不及五里舍宇矮歛壓頭猶

是伊祖舊物劉復村過而詠之曰廟院蜂

房居想羨其同居古風歟但据忠忠公荔

子謂云玉堂紅一種佳絕心產其地伸道

從無一語詠之何耶其知向伯恭未辟諸

關山逸酒逸集三舍矣古原毛晉藏

友古詞終

宋六十名家詞

友古詞

二十八

